

Calvin Maduro tabatin tremendo actuacion riba monticulo pa conduci Baltirmo Orioles na victoria ayeranochi riba Kansas City Royals 5-2

BALTIMORE-Cal Ripken ta conecta su promer homerun di e temporada aki na Camden Yards, cual tabata uno pa tres careda p'asina hunto cu nos pitcher Arubano, Calvin Maduro conduci Baltirmo Orioles na victoria riba Kansas City Royals cu anotacion di 5-2 ayeranochi.

Ripken, hungando su ultimo temporada di su carrera Hall of Fame, a bai di 2-3 cu un base por bolas.

El a bati tur diez di su homerunnan den weganan como bishitante promer cu el a conecta riba un lanzamiento di Chad Durbin (7-11) den e tercer inning pa duna Orioles ventaha di 3-2.

E di 428 homerun den su carrera pa Ripken ta bini conhuntamente cu un tremendo actuacion un biaha mas di nos pitcher Arubano, Calvin Maduro (2-3), kende a permiti solamente dos hit y dos careda durante seis inning y dos tercio. Den dos wega contra Kansas City e temporada aki, Calvin Maduro a permiti solamente cuater hit den 12 inning y dos tercio.

Willis Roberts, e di cuater pitcher di Baltimore, ta releva den e di cinco inning p'asina logra su tercer wega salba.

